

SLUŽBENI GLASNIK OPĆINE TEŠANJ

| | | |
|---|---|--|
| IZDAVAČ: Općinsko vijeće Tešanj UREĐUJE: Stručna služba OV ODGOVORNI UREDNIK: Muhidin ALIĆ Telefon: 032/650-341 | Godina XXXIII – Broj 6 Utorak, 26.12.2000.god TEŠANJ, M. Tita bb | ŠTAMPA: Roto-tehnika Stručna služba OV Tešanj Godišnja pretplata: 50,00 KM Žiro-račun 12360-630-219 «Službeni glasnik» izlazi po potrebi |
|---|---|--|

Na osnovu člana 3.stav 1.tačka 2. 3. i 8., člana 23. stav 4., člana 33. stav 2. i člana 83. stav 2.Zakona o porezima Zeničko-dobojskog kantona ("Službene novine ZEDO kantona", broj:24/99) i člana 31. Statuta općine Tešanj ("Službeni glasnik općine Tešanj", broj:1/99), Općinsko vijeće Tešanj, na sjednici održanoj 30.11.2000. godine donosi:

ODLUKU o porezima općine Tešanj

I OPĆE ODREDBE

Član 1.

Ovom Odlukom se uređuje sistem poreza na području općine Tešanj (u daljem tekstu Općina), koji plaćaju fizička i pravna lica, postupak za utvrđivanje i naplatu, kao i postupak za povrat tih poreza.

II VRSTE POREZA

Član 2.

Ovom Odlukom se propisuju slijedeći porezi:

- 1.porez na imovinu,
- 2.porez na prihod od imovine i imovinskih prava
3. porez na ukupan prihod fizičkih lica.

1. Porez na imovinu

Član 3.

Porez na imovinu plaćaju fizička i pravna lica koja su vlasnici slijedeće imovine:

- stambenog prostora,
- poslovnog prostora,
- putničkog automobila, osim taxi vozila,
- teretnog motornog vozila,
- motocikla,
- zgrade ili stana za odmor i rekreaciju i garaže.

Član 4.

Porez na imovinu plaća se godišnje u paušalnom iznosu od:

- a) za stambenu prostoriju..... od 0,50 KM/m²
b) za poslovne prostore..... od 0,75 KM/m²
c) za putničke automobile (osim taksi vozila):
do 1600 kubika preko 1600 kubika
do 2 godine starosti
70 KM od 140 KM
od 2 do 5 godina starosti
50 KM od 100 KM
od 5 do 10 godina starosti
30 KM od 60 KM
preko 10 godina starosti
15 KM od 30 KM

*13/01 9/02
izmjena 7/02*

d) za teretna motorna vozila

- do 3 t.....od 100 KM
- od 3 do 8 t.....od 200 KM
- preko 8 t.....od 300 KM

e) za motocikle:

- do 2 godine starosti.....od 30 KM
- preko 2 godine starosti.....od 10 KM

f) za zgradu ili stan za odmor i rekreaciju i garaže.....od 1 KM/m²

Porez na putničke automobile, teretna motorna vozila i motocikle plaća se godišnje u paušalnom iznosu pri registraciji vozila.

Član 5.

Porez na imovinu ne plaćaju :

1. BiH, Federacija BiH, kantoni, općine, kao i njihovi organi, organizacije i institucije,
2. strane države pod uslovom reciprociteta,
3. invalidna lica na putnički automobil koji je nabavljen uz porezne olakšice i oslobađanja,
4. institucije koje vozila koriste za potrebe prevoza umrlih,
5. privredna društva za prostore koje koriste u neposrednoj proizvodnji,
6. komunalne, obrazovne, zdravstvene, penzione, naučne, kulturne, vjerske, humanitarne i sportske organizacije, udruženja i institucije, kao i zaštita od požara,
7. vlasnici stana ili zgrade za odmor i rekreaciju koje koriste u stambene svrhe izbjegla i raseljena lica,
8. lica koja imaju skrb Centra za socijalni rad.

Član 6.

Pri promjeni vlasnika imovine iz člana 4. ove Odluke u toku kalendarske godine novi vlasnik ne plaća porez na imovinu ako je taj porez plaćen od strane ranijeg vlasnika.

Član 7.

Porez na imovinu razrezuje se unaprijed u godišnjem iznosu za imovinu zatečenu u posjedu poreznog obveznika na dan 31. januara godine za koju se razrez vrši, a za imovinu stečenu u toku godine u visini koja srazmjerno odgovara vremenu od dana sticanja te imovine do kraja godine.

Član 8.

Nadležni općinski organ koji vode evidenciju o imovini iz člana 4. ove Odluke dužni su dostaviti ispostavi Porezne uprave podatke o vlasnicima i njihovoj imovini.

Organ nadležan za izdavanje odobrenja za građenje objekata dužan je da o izdatim odobrenjima mjesečno obavještava nadležnu Poreznu ispostavu na čijem području se vrši građenje i na čijem području je prebivalište vlasnika objekta.

2. Porez na prihod od imovine i imovinskih prava

Član 9.

Obveznik poreza na prihod od imovine i imovinskih prava je fiziko lice koje ostvaruje prihode od izdavanja u zakup ili najam nepokretne i pokretne stvari ili prihod od druge imovine ili imovinskih prava.

Član 10.

Osnovica poreza na prihod od izdavanja u zakup ili najam nekretnina i pokretnih stvari je ukupan prihod ostvaren u godini za koju se vrši razrez poreza, umanjen za 30% na ime troškova koji su bili nužni za ostvarivanje tog prihoda, a kod iznajmljivanja soba i postelja 50% na ime troškova za ostvarivanje tog prihoda.

Osnovica poreza na prihod od novčanih pozajmica datih u zajam

preduzećima ili samostalnim privrednicima je prihod od kamate.

Porez na prihod od imovine i imovinskih prava plaća se i na prihod ostvaren prodajom pokretnih stvari čija nabavna vrijednost, odnosno vrijednost izrade prelazi 2.000,00 KM, bez obzira da li je stvar prodana u nepromjenjenom ili promjenjenom stanju.

Član 11.

Ako je zakupnina primljena za više godina unaprijed, osnovica poreza je ukupna primljena zakupnina.

Član 12.

Ako je iznos zakupnine, prijavljen u iznosu nižem nego je to utvrđeno ovim članom, kao prihod uzima se vrijednost godišnje zakupnine obračunate na minimalne osnovice:

1. za zakup poslovnog prostora:

- na području naseljenih mjesta Tešanj, Jelah i Tešanjka 10,00 KM /m²/mjesec
- na području ostalih naseljenih mjesta.....
.....5,00 KM/m²/mjesec

2. za zakup stambenog prostora i drugih građevinskih objekata:

- na području naseljenih mjesta Tešanj, Jelah i Tešanjka 3,00 KM /m²/mjesec
- na području ostalih naseljenih mjesta
..... 1,00 KM/m²/mjesec

Član 13.

Porez na prihod od imovine i imovinskih prava plaća se po stopi od 10%.

Član 14.

Porez na prihod od imovine i imovinskih prava ne plaća se na:

- 1. primanja po osnovu osiguranja života i posljedica nesretnog slučaja,

2. kamate na štednju i na zajmove državi BiH, Federaciji BiH, Kantonu ili općini.

1. Porez na ukupan prihod fizičkog lica

Član 15.

Obveznik poreza na ukupan prihod fizičkog lica (u daljem tekstu: porez na ukupan prihod) je lice koje ima prebivalište na području općine Tešanj, a koje u toku jedne kalendarske godine ostvari ukupan prihod iz jednog ili više izvora preko četverostrukog iznosa prosječne godišnje neto plaće ostvarene u privredi Kantona u godini za koju se vrši razrez.

Osnovica za obračun poreza iz prethodnog stava je iznos ostvaren preko četverostrukog iznosa prosječne godišnje neto plaće ostvarene u privredi Kantona u godini za koju se vrši razrez poreza.

Obveznik poreza u smislu prethodnog stava je i fizičko lice koje ostvari plaću u predstavništvima ili organizacijama u inostranstvu, kao i radnik upućen u inostranstvo radi stručnog usavršavanja.

Obveznik poreza na ukupan prihod je i strani državljani koji radom u Općini ostvari neto prihod iz jednog ili više izvora preko trostrukog iznosa iz stava 1. ovog člana.

Član 16.

Prosječna godišnja neto plaća u smislu člana 15. ove Odluke jednaka je prosječnoj mjesečnoj neto plaći ostvarenoj u privredi Kantona uvećanoj dvanaest puta.

Član 17.

Pod ukupnim neto prihodom iz člana 15. stav 1. ove Odluke smatra se iznos svih plaća i prihoda koji podliježu plaćanju poreza, a koje je obveznik poreza na ukupan

prihod naplatio u jednoj kalendarskoj godini u BiH, kao i prihod ostvaren u smislu člana 15. stav 2. ove Odluke, umanjen za poreze koji se plaćaju po Zakonu o porezima ZE-DO kantona i druge poreze, doprinose i druga davanja koja se plaćaju na plaću.

Obvezniku poreza na ukupan prihod koji porez na dobit od fizičkih lica i porez na prihod od autorskih prava plaća u procentu od svakog pojedinačnog ostvarenog bruto prihoda, pri utvrđivanju godišnjeg neto prihoda priznaju se troškovi koji su bili nužni za ostvarenje tog prihoda na način i pod uslovima iz Zakona o porezima ZE-DO kantona.

Stranom državljaninu ukupan godišnji neto prihod umanjit će se za 30% na ime izdataka za zdravstveno, penzijsko i invalidsko osiguranje i drugih izdataka u vezi sa njegovim troškovima boravka u BiH.

Član 18.

Obvezniku poreza na ukupan prihod umanjit će se osnovica poreza za svakog izdržavanog člana u visini od 30%.

Ako u porodici ima dva ili više obveznika poreza na ukupan prihod, poreska osnovica se umanjuje onom obvezniku koji je ostvario veći ukupan prihod.

Ako lica iz stava 1. ovog člana imaju vlastite prihode, obvezniku poreza na ukupan prihod od iznosa ukupnog smanjenja osnovice odbit će se godišnji iznos tih prihoda.

Član 19.

Osnovica poreza na ukupan prihod umanjit će se i za iznos koji je porezni obveznik dao shodno članu 80. Zakona o porezima ZE-DO kantona.

Član 20.

Stopa poreza na ukupan prihod primjenjuje se proporcionalno i iznosi 15%.

III POSTUPAK UTVRĐIVANJA I NAPLATE POREZA

Član 21.

Obveznici poreza koji su dužni podnijeti prijavu za razrez poreza moraju biti pozvani na podnošenje porezne prijave javnim pozivom, najkasnije do 31. decembra godine koja prethodi godini za koju se vrši razrez poreza.

Član 22.

Obveznik poreza na ukupan prihod fizičkih lica dužan je poreznu prijavu podnijeti do 31. januara po isteku godine za koju se utvrđuje porez.

Obveznik poreza na prihod od imovine koji u toku godine stiče prihod od imovine dužan je Poreznoj ispostavi podnijeti poreznu prijavu prije sticanja prihoda od imovine.

Obveznici poreza na imovinu dužni su poreznu prijavu za razrez poreza podnijeti do 15. januara godine za koju se utvrđuje porez.

Ako obveznik poreza na imovinu u toku godine stekne imovinu na koju se plaća porez na imovinu, dužan je o tome podnijeti prijavu Poreznoj ispostavi u roku od 15 dana od dana sticanja imovine.

Član 23.

Poreze iz člana 2. ove Odluke obračunava i razrezuje Porezna ispostava na temelju podataka iz porezne prijave.

Član 24.

Porez iz člana 2. tačke 2. i 3. ove Odluke razrezuje se najkasnije do 30. aprila po isteku godine za koju se razrezuje porez.

Porez iz člana 2. tačka 1. ove Odluke razrezuje se u istom roku unaprijed za tekuću godinu.

Član 25.

Fizičko lice koje vrši djelatnost bez odobrenja nadležnog organa, zadužit će se porezom.

O svakom slučaju iz prethodnog stava Porezna uprava je dužna obavjestiti općinski organ nadležan za izdavanje odobrenja odnosno dozvole.

Član 26.

Porez na imovinu plaća se u roku od 30 dana od dana donošenja rješenja, izuzev poreza na motorna vozila koji se plaća odmah pri registraciji vozila za godinu dana unaprijed.

Porez za nepokretnu imovinu plaća se prema mjestu gdje se imovina nalazi, a porez na pokretnu imovinu prema mjestu prebivališta poreznog obveznika.

Član 27.

Porez od imovine plaća se u jednakim mjesečnim iznosima do 15. u mjesecu za prethodni mjesec.

Porez iz prethodnog stava za nepokretnu imovinu plaća se prema mjestu gdje se imovina nalazi, a porez na pokretnu imovinu prema mjestu prebivališta poreznog obveznika.

Član 28.

Porez na ukupan prihod plaća se u roku od 30 dana od dana donošenja rješenja Porezne ispostave prema mjestu prebivališta poreznog obveznika.

Član 29.

Od poreznog obveznika koji dospjeli porez nije platio u propisanom roku (u daljem tekstu: porezni dužnik) porez će se naplatiti prisilnim putem.

Prisilna naplata se vrši na osnovu rješenja o prisilnoj naplati, a u

skladu sa odredbama Zakona o porezima ZE-DO kantona.

Član 30.

Nadzor nad obračunavanjem i plaćanjem poreza utvrđenih ovom Odlukom vrši Porezna ispostava.

Član 31.

Porezni obveznik koji je platio porez propisan ovom Odlukom, a koji nije bio dužan platiti ima pravo na povrat plaćenog poreza, plaćene kamate i troškove prisilne naplate plaćene po odredbama Zakona o porezima ZE-DO kantona u roku od 30 dana od dana podnošenja zahtjeva.

Porez na imovinu izvorni je prihod budžeta Općine.

IV KAZNENE ODREDBE**Član 32.**

Za prekršaje odredaba ove Odluke primjenjuju se kaznene odredbe Zakona o porezima ZE-DO kantona (Službene novine ZE-DO kantona", broj:24/99).

V PRELAZNE I ZAVRŠNE ODREDBE**Član 33.**

Porezne obaveze koje su nastale do dana stupanja na snagu ove Odluke izvršit će se prema propisima koji su važili u momentu nastanka porezne obaveze.

Član 34.

Sredstva planirana u budžetu općine Tešanj za 2001. godinu u stavci prihoda pod kontom 714111-Porez na imovinu u iznosu od 370.000,00 KM, proporcionalno će se ostvarenim приходima utrošiti za slijedeće namjene planirane u

rashodima budžeta općine Tešanj za 2001. godinu kako slijedi:

| | |
|--|------------|
| -konto 613714 i 724 održavanje i sanacija makadamskih puteva | 100.000,00 |
| -konto 6151171 učešće Općine u asfaltiranju makadamskih puteva. | 120.000,00 |
| - konto 615221 izgradnja spomen obilježja | 55.000,00 |
| - konto 821221 gradnja trotoara | 35.000,00 |
| - konto 821622 sanacija i održavanje asfaltnih površina | 60.000,00 |

Član 35.

Danom početka primjene ove Odluke na području općine Tešanj prestaju sa primjenom propisi koji su regulisali ovu materiju a primjenjivali su se na području općine Tešanj do donošenja ove Odluke, koja je usklađena sa odredbama Zakona o porezima ZE-DO kantona ("Službene novine ZE-DO kantona", broj:24/99).

Član 36.

Ako ovom Odlukom pojedina pitanja iz oblasti poreza (člana 2. ove Odluke) nisu regulisana, shodno se primjenjuju kantonalni i federalni propisi iz ove oblasti.

Ova Odluka stupa na snagu danom objavljivanja u "Službenom glasniku općine Tešanj", a primjenjivat će se od 01.01.2001. godine; osim odredaba člana 4. pod «a», «b» i «f» koje će se primjenjivati po odluci Vijeća koja će se donijeti najkasnije do 30.09.2001. godine.

OPĆINA TEŠANJ
OPĆINSKO VIJEĆE

PREDSJEDAVAJUĆI VIJEĆA

Izudin AHMETLIĆ, s.r.

Broj:01-15-3687/00

Datum:25.12.2000. god.